

Në përputhje me kërkesat nga neni 33 i Ligjit Nr.02/L-123 për Shoqëritë Tregtare si dhe me dispozitat e Ligjit Nr.04/L-006 për ndryshimin dhe plotësimin e ligjit bazik për Shoqërit Tregtare në Kosovë, Themeluesit e Shoqërisë me përgjegjësi të kufizuar më dt. 02.04.2013 nxjerrin :

STATUTIN

E

AGROMARKET KS D.O.O.

Graçanicë

Neni 1

Dispozitat e përgjithshme

Me këtë Statut rregullohen këto çështje :

- emërtimi i Shoqërisë,
- lloji i shoqërisë,
- adresa e selisë së saj,
- periudha e kohëzgjatjes,
- veprimtaria e shoqërisë,
- llojet e aksioneve të autorizuara për emetim, vlerën e tyre nominale, numrin dhe të drejtat e bartësve të tyre,
- organet drejtuese,
- emrat dhe adresat e themeluesve dhe
- procedurat me të cilat mund të ndryshohen rregulloret.

Neni 2

EMËRTIMI I SHOQËRISË ME PËRGJEGJËSI TË KUFIZUAR

Emërtimi i plotë i shoqërisë është : Shoqëria Tregtare AGROMARKET KS D.O.O. shoqëri me përgjegjësi të kufizuar.

Shkurtimisht : AGROMARKET KS D.O.O.

Neni 3

LLOJI I SHOQËRISË

Shoqëria Tregtare është Shoqëri me përgjegjësi të kufizuar ,shkurtimisht **SH.P.K.**

Neni 4

ADRESA E SELISË

- 4.1. Selia e AGROMARKET KS D.O.O. është në LLAPNASELLË, Magjistranja Prishtinë - Shkup, Km. 6
- 4.2. **Agjent i regjistruar** i kësaj shoqërie tregtare është (**Naser Spahiu**), i cili është agjent i ligjshëm për pranimin e shërbimeve, njoftimeve, kërkesave si dhe akteve tjera që dërgohen nga autoritetet publike.
- 4.3 Shoqëria mund të themelojë filiala, zyrë përfaqësimi brenda vendit në pajtim me legjislacionin në fuqi.

Neni 5

QËLLIMI I THEMELIT TË SHOQËRISË

Qëllimi i themelimit të Shoqërisë është qëllim i ligjshëm afarist, si dhe përfitimi personal dhe ndihma vendit ku jetojnë me kontribute dhe taksa të ndryshme

Neni 6

PERIUDHA E KOHËZGJATJES SË SHOQËRISË

Kohëzgjatja e veprimtarisë së shoqërisë si sh.p.k. do të jetë në afat të pacaktuar.

Neni 7

VEPRIMTARIA E SHOQËRISË

Veprimtaria e Shoqërisë është :

- 0111 Kultivimi i drithërave (përveç orizit), i bimëve bishtajore dhe i farërave vajore
- 0125 Kultivimi i frutave të tjera pemore, shkurreve dhe arrave
- 0146 Rritja e derrave
- 4619 Aktivitetet e ndërmjetësimit për shitjen e një shumëllojshmërie mallrash
- 4690 Tregtia me shumicë jo e specializuar
- 0141 Rritja e gjedheve për qumësht
- 4623 Tregtia me shumicë e kafshëve të gjalla
- 4631 Tregtia me shumicë e frutave dhe perimeve
- 4633 Tregtia me shumicë e produkteve të qumështit, vezëve, vajrave dhe yndyrnave të gatimit
- 4621 Tregtia me shumicë e drithërave, duhanit të papërpunuar, farërave dhe ushqimit të kafshëve
- 4622 Tregtia me shumicë e luleve dhe bimëve
- 4721 Tregtia me pakicë e frutave dhe perimeve në dyqane të specializuara
- 4671 Tregtia me shumicë e lëndëve djegëse të ngurta, të lëngëta ose të gazta dhe produkteve të lidhur me to.
- 4675 Tregtia me shumicë e produkteve kimike
- 4778 Tregtia me pakicë e mallrave të tjera të reja, në dyqane të specializuara
- 4632 Tregtia me shumicë e mishit dhe produkteve të tij

Të gjitha veprimtaritë e Shoqërisë regjistrohen tek Zyra e regjistrimit e cila vepron në kuadër të Ministrisë së Tregtisë dhe Industrisë.

Neni 8

THEMELUESIT E SHOQËRISË

10.1. Themeluesit e shoqërisë mund të jenë persona fizik ose juridik,që kanë vënë ose do të kenë në zotërim aksione të shoqërisë ,me të gjitha mënyrat e parashikuara me ligj.

10.2. Themelues është :

1. Agromarket CG
Montenegro,Podgoricë-Tolosje

10.3. Pronësia mbi aksionet e shoqërisë,përmban aderimin me të drejta të plota në statutin e shoqërisë nëpërmes përfaqësimit në Kuvendin e Aksionarëve.

Neni 9

NUMRI I AKCIONEVE,VLERA DHE KATEGORIA E AKCIONEVE

Nr. Rendor	Emertimi	Pjesëmarrja në %	Numri i Akcioneve	Vlera e një Akcioni	Shuma në €
1	Akcione	100 %	5.00	1,000.00	5,000.00

Neni 10

TË DREJTAT DHE DETYRAT E THEMELUESVE

11.1. Interesat pronësore që mund të quhen “aksion” në shoqërinë me përgjegjësi të kufizuar janë njësitë në bazë të cilave bëhet ndarja e pronësisë në shoqëri.

11.2. Një interes pronësor në shoqërinë me përgjegjësi të kufizuar është pronë personale e pronarit dhe mund të bartet pjesërisht ose në tërësi, varësisht nga kufizimet e parapara në këtë Statut dhe kufizimet e tjera të përcaktuara në Marrëveshjen e shoqërisë.

11.3. Themeluesit e shoqërisë janë përgjegjës për të gjitha borxhet e shoqërisë dhe detyrimet e tjera me të tëra asetet.

11.4. Të gjithë themeluesit apo ndonjeri prej tyre që ndërmarrin veprim në emër të shoqërisë me përgjegjësi të kufizuar duke bërë hapjen e xhirollogarive bankare, blerjen dhe dhënjën me qira të pronës, lidhjen e kontratave ose ndërmarrjen e detyrimeve tjera, janë bashkërisht dhe personalisht përgjegjës për pretendimet dhe detyrimet që lindin si rezultat i këtyre veprimeve.

11.5. Çdo aksionar, ka të drejtën e pjesëmarrjes në fitimet e shpërndashme të shoqërisë dhe përfiton proporcionalisht me shumën e aksioneve që zotëron.

11.6. Çdo vonesë në derdhjen e shumave të duhura nga shumat e pashlyera të aksioneve sjell pagimin e interesave, me përqindjet ligjore dhe kjo pavarësisht nga veprimet personale që shoqëria mund të ushtroj ndaj aksionarit që nuk ka shlyer detyrimin dhe nga masat e zbatimit të detyruar të parashikuara nga legjislacioni në fuqi.

Neni 11

ORGANET DREJTUESE TË SHOQËRISË

Organet drejtuese të shoqërisë janë :

1. Kuvendi i aksionarëve
2. Drejtori apo Drejtorët Menaxhues.

Shoqëria mund të krijoj dhe mbajë edhe një Bord të drejtorëve.

Neni 12

Kuvendi i aksionarëve

13.1. Kuvendi i aksionarëve, qoftë i zakonshëm apo i jashtëzakonshëm ka kompetenca dhe merr të gjitha vendimet e përcaktuara me Ligjin për shoqëritë tregtare ose Statut.

13.2. Kuvendi i aksionarëve do të mbahet në zyrën e regjistruar të shoqërisë ose në një vend tjetër të caktuar më parë me paralajmërimin për mbledhje.

Neni 13

E drejta e votës

14.1. E drejta e votës rrjedh nga zotërimi i aksioneve që përfaqësojnë dhe çdo aksionari të jep të drejtën e të paktës një(1) vote.

14.2. E drejta e votës që rrjedh nga përfaqësimi ,kërkon një mandat përfaqësimi të shkruar në përputhje me dispozitat ligjore në fuqi.

Neni 14

Drejtimi i mbledhjeve të Kuvendit

15.1. Thirrja e mbledhjes së Kuvendit bëhet :

- nëpërmes njohtimit të dërguar me letër rekomande në adresën e çdo aksionari me shpenzimet e shoqërisë apo

- në menyre elektronike në email adresat e aksionareve ku patjeter duhet konfirmimi.

15.2. Mbledhjet e Kuvendit të aksionarëve ,drejtohen nga një Kryesues i caktuar nga Kuvendi.

15.3. Gjithashtu mbledhjen e Kuvendit mund ta drejtojnë personat që kane autorizim e në pajtueshmëri me Ligjin për Shoqëritë Tregtare.

15.4. Kryesuesi cakton një procesmbajtës për të mbajtur procesverbalin lidhur me pikat e rendit të ditës.

Neni 15

Procesverbalet e mbledhjes së Kuvendit

16.1. Procesverbalet e mbledhjes së Kuvendit,duhet të mbahen në përputhje me kërkesat e Ligjit për shoqëritë tregtare dhe detyrimisht në fund të saj ,duhet të nënshkruhen nga Kryesuesi dhe procesmbajtësi.

16.2. Kuvendi i jashtzakonshëm mund të marrë vendime të vlefshme vetëm në rast se aksionarët e pranishëm ose të përfaqësuar zotërojnë në mbledhjen e parë të paktën $\frac{1}{2}$ e aksioneve dhe në të dytën $\frac{1}{4}$ e aksioneve me të drejtë vote.Në mungesë të këtij kuorumi mbledhja e dytë e Kuvendit mund të shtyhet për një datë të mëvonshme jo më te largët se dy muaj nga data e thirrjes së parë.Ajo merr vendim me një shumicë votash prej $\frac{3}{4}$ që u përkasin aksionerëve të pranishëm ose të përfaqësuar.

16.3. Kuvendi i zakonshëm merr vendime të vlefshme në mbledhjen e parë,vetëm nëse aksionerët e pranishëm ose të përfaqësuar zotërojnë $\frac{1}{4}$ e aksioneve me të drejtë vote.Në rastë se kjo mbledhje nuk realizohet,në të dytën nuk kërkohet asnjë lloj kuorumi.

16.4. Kuvendi i zakonshëm merr vendim me shumicën e votave që zotërojnë aksionerët e pranishëm ose të përfaqësuar.

Neni 16

E drejta për të u njohur me dokumente

Drejtori duhet të paktën 8 ditë para ditës së caktimit të mbledhjes së Kuvendit të iu dërgojë dokumentet e nevojshme aksionerve për tu njohur dhe për të dhënë një gjykim të plotë,mbi administrimin dhe ecurinë e punëve të shoqërisë në fund të vitit, raportet mbi aktivitetin e shoqërisë, raportin e ekspertit të kontabilitetit,raportin e Këshillit mbikqyrës,të gjitha projekt vendimet dhe konkluzionet si dhe të gjitha dokumentet tjera të parapara me” Ligjin për Shoqëritë Tregtare”.

Neni 17

NËPUNËSIT E SHOQËRISË

18.1. Nëpunësit e Shoqërisë zgjedhen nga Drejtori.Shoqëria nuk mund të ketë më pakë se dy nëpunës.

18.2.Kompetencat e nëpunësve parashihen me aktet normative të Shoqërisë si dhe në marrëveshje me Drejtorin sipas dispozitave të Ligjit për Shoqëritë Tregtare dhe ligjeve tjera relevante.

Neni 18

DREJTORI

19.1. **Drejtor i Shoqërisë** emrohet : Naser Spahiu i cili do të ushtroi funksionet e tij/saj nën kontrollin e Kuvendit të aksionerëve.

19.2. Drejtori mund të shkarkohet për shkaqe të cenimit të ligjit nga Kuvendi i aksionerëve. Si shkaqe të cenimit të ligjit konsiderohen veqanërisht një faj i rëndë i Drejtorit ,pa aftësia e tij në kryerjen korekte të funksioneve ose kur Kuvendi humb besimin tek ai.

Neni 19

Kompetencat dhe kufizimet

20.1 Drejtori ka këto kompetenca:

- të paraqitet, përfaqëson dhe nënshkruan për shoqërinë,
- të ekzekutoi Vendimet e Kuvendit,
- të udhëheq afarizmin e shoqërisë,
- të organizon dhe udhëheq me procesin e punës,
- përgatit pasqyrat vjetore të kontabilitetit dhe raportet mbi afarizmin,
- propozon Vendimet të cilat i nxjerr Kuvendi,
- propozon organizimin e brendshëm të shoqërisë,
- i pranon në punë dhe iu shkëput Kontratën e punës punëmarrësve,
- vendos mbi sistemimin e punëmarrësve në vende pune,
- kujdeset për ligjshmerinë e punës në shoqëri,
- vendos mbi procedurat disiplinore të të punësuarve,
- kryen edhe punë të tjera në harmoni me ligjin, Statutin dhe Vendimet e Kuvendit.
- hap dhe mbyll llogaritë bankare të kompanisë

20.2. Drejtori si përfaqësues i shoqërisë është i autorizuar të lidhë Kontrata dhe kryej të gjitha veprimet tjera juridike pa kurrfarë kufizimesh.

Neni 20

Përfaqësimi

Nga ana ligjore ,Shoqëria përfaqësohet nga drejtori.

Neni 21

NDARJA ,BASHKIMI DHE LIKUIDIMI I SHOQËRISË

Shoqëria mund të ndahet,bashkohet,likuidohet ose transformohet në një formë tjetër,përpara afatit të përcaktuar,me vendim të mbledhjes së jashtëzakonshme të aksionerve,në përputhje me parashikimet e "Ligjit për shoqëritë tregtare".

Neni 22

DISPOZITAT PËRFUNDIMTARE

- 24.1. Ky Statut hyn në fuqi ditën që e aprovojnë Themeluesit e Shoqërisë.
- 24.2. Ndryshimet dhe plotësimet e këtij Statuti bëhen sipas procedurës së njejtë si është aprovuar.
- 24.3. Për të gjitha qështjet që nuk janë përcaktuar me këtë Statut do të aplikohen dispozitat e Ligjit për Shoqëritë Tregtare.

Data: 02.04.2013

Magjistranja Prishtinë-Shkup km6
Llapnasellë ,Graçanicë

Themeluesi :

- 1. Agromarket CG**
- Montenegro, Podgoricë**

